

Minister Presidente, sr. Mike Eman:

Plasa Juan Pablo Duarte lo bira un pida di tera di Republica Dominicana na Aruba

Aruba a logra cu exito forma un comunidad multicultural

ORANJESTAD – Diasabra mainta a tuma luga un ceremonia di e prome piek riba e area publico caminda lo ser construi un plasa dedica na e tata di e nacion Dominicano, Juan Pablo Duarte. Esaki a sosode den presencia di Secretario di Estado Luis Sifres di Rep. Dominicana, Presidente di Parlamento di Aruba drs. Paul Croes, Parlamentario y Ministernan di pais Aruba, Consulado di Republica Dominicana na Aruba bou direccion di e Consul Rosario de Rosa den cuadro di e conmemoracion di e 168 aniversario di independencia nacional di Republica Dominicana.

E orador di honor e mainta aki riba e pleinchi dilanti hospital bieu, tabata Minister President mr. Mike Eman. "Nos ta celebra un momento special pa e comunidad Dominicano na Aruba ... Awe nos ta bay dedica un



Diasabra mainta a realisa e acto ceremonial di prome piedra na unda ta bira Plaza Juan Duarte. E tabata un honor pa e colonia Dominicano, cu a bin ta biba y traha na Aruba pa hopi aña caba.

parti di tereno na Aruba, na e lasonan di hopi tempo, di hopi fraternidad y solidaridad entre Rep. Dominicana y Aruba," e Prome Mandatario a inicia su discurso. Premier Eman a bisa igualmente cu e area aki cu lo ser dedica

pa construi e plasa Juan Pablo Duarte lo bira manera un pida di tera di Republica Dominicana na Aruba.

Despues el a repasa e historia di Juan Pablo Duarte, di kende nos ta siña e bator di bida di un homber y cu



su trabou no ta caba den e tempo di su bida. Su idealismo y dedicacion ta transcuri pa un tempo despues di su bida.

Su trabou ta keda un fuente di inspiracion. Un persona cu a haya su educacion na Europa y tabatin e oportunidad di keda aya pa desaroyo oportunidadnan sin limite. "Pero Santo Domingo tabata yame; su amor pa su pais a pone cu el a crusa frontera y bolbe Rep. Dominicana. E tipo di dedicacion, sacrificio ora cu e tin otro oportunidadnan grandi, di tin un bida frankil sin contratiempo y peligro, pero ta haci escogencia pa entrega su bida na desaroyo di su pais, ta e ehempel cu ta transcuri e tempo di bida di Juan Pablo Duarte," Prome Minister Eman a bisa esnan presente.

Premier Eman a elogia Consul Rosario de Rosa, pa tur e esfuersonan cu el a haci pa realisa e proyecto

aki. El a ilustra e comunidad multicultural di Aruba, cual ehempel a wordo duna durante bishita di La Reina cu show di e diferente comunidadnan cu ta biba na Aruba. Tanto Princesa Maxima como Reina Beatrix tabata orguyoso di e comunidad. Aruba tambe, e ta bisa, ta orguyoso di ta un comunidad multicultural y e rikesa di e poblacion cu tin na Aruba. "Aruba a logra cu exito forma e comunidad multicultural yena di hende cu talento y inspiracion di trabou duro pa yuda forma e sociedad aki."

El a referi na e situacion dificil cu Aruba ta pasando den e dianan aki y mas cu nunca Gobierno ta sinti e apoyo di e comunidad Latinoamericano y e tambe e solidaridad cu ta mustra cu nan tey cu Aruba pa supera e situacion. "Esaki ta haci e diferencia di un bon sociedad y un sociedad unda no tin union. □